

## Skíðaferð



Töluverð vakning hefur orðið meðal skíðaáhuga-fólks innan skólans og undanfarin ár hefur íþróttanefnd staðið fyrir vel heppnuðum síðaferðum. Þessar ferðir hafa tekist mjög vel og stendur nú til að fara norður til Akureyrar. Því miður komast ekki allir sem vilja í ferðina þar sem gístaðstaðan rúmar aðeins takmarkaðan fjölda. Um 120 nemendur komust að en rúmlega 60 eru á biðlista. Farið verður frá skólanum föstudaginn 28. febrúar klukkan 16:00 og komið aftur á sunnudeginum um klukka 22:00. Gist verður í KA heimilinu en þar

fáum við mjög góða aðstöðu. Ferðin er eins og áður segir skipulögð af íþróttanefnd nemendafélagsins en einnig munu þeir starfsmenn verða með í för. Skólareglur gilda í ferðinni og hver sá sem gerir sig sekan um brot á þeim verður sendur heim á eigin kostnað. Einungis þeir sem eru skráðir í ferðina og koma með rútunni fá gistingu í KA heimilinu. Skólastjóri hefur ákveðið að niðurgreiða ferðina um 1.000.- fyrir hvern nemanda eftir ferðina ef vel tekst til.

## Miðannarmat

Kennarar skólans eru nú að ljúka við að gefa nemendum skólans miðannarmat. Niðurstöðurnar birtast nemendum á ein-kunnasvæðinu í upplýsingakerfinu og þar geta einnig foreldrar og forráðamenn nálgast þær. Við minnum á að lögráða

nemendur geta sjálfir opnað fyrir foreldraaðganginn í upplýsingakerfinu. Niðurstöðurnar verða aðgengilegar eftir klukkan 14 föstudaginn 28. febrúar. Notaður er sami kvarði og á síðustu önn.

## Kosningar í nemendafélaginu

Í nýrri aðalnámskrá framhaldsskólanna segir að lýðræði í sinni víðustu mynd eigi að vera einn af grunnþáttum skólastarfs sérhvers framhaldsskóla. Í því felst meðal annars að undirbúa nemendur undir þátttöku í lýðræðisþjóðfélagi. Þetta er mjög mikilvægt hlutverk enda skiptir miklu að einstaklingur sé virkur í samfélaginu og hafi vilja til þess að nýta sér þau áhrif sem hann getur haft á ákvarðanir sem teknar eru um hans eigið líf, líf annarra og umhverfið.

Lýðræði er vissulega til umfjöllunar í námsefni skólans en líklegast fá nemendur hvergi betra tækifæri til þess að taka þátt í beinu lýðræði en í kosningum til embætta innan nemendafélagsins. Framundan eru

kosningar innan NFVÍ og þá þurfa nemendur að taka gagnrýna og ígrundaða afstöðu til samnemenda sinna sem eru í framboði og málefna sem varða nánustu framtíð þeirra í félagslífinu. Félagslíf hvers árs ræðst að miklu leyti af því að frambærilegir einstaklingar af báðum kynjum veljist til forystu. Einhverra hluta vegna hafa piltar verið meira áberandi í stjórn og nefndum undanfarin ár en það er að hluta til vegna þess að þeir eru viljugri til þess að bjóða sig fram. Það er því full ástæða til þess að hvetja stúlkur til að sækjast eftir frekari þátttöku í stjórn og nefndum nemendafélagsins með því að bjóða fram krafta sína.

## Ferðir sem eru ekki á vegum skólans

Um þetta leyti árs er vinsælt hjá nemendum að fara ferðir í stærri og smærri hópum, t.d. í sumarbústaði, og tengja þær gjarnan við félagslífið með einum eða öðrum hætti. Því vill skólinn koma eftirfarandi á framfæri:

Engir starfsmenn skólans eru með í slíkum ferðum enda eru þær á engan hátt á vegum

skólans. Skólinn vill jafnframt benda foreldrum og forráðamönnum á að engar fleiri ferðir eru fyrirhugaðar innanlands á vegum skólans á þessu skólaári. Foreldrar og forráðamenn nemenda í 3. og 4. bekk geta merkt eftirlitslausar ferðir frá öðrum á því að skólinn fer ætíð fram á skriflegt samþykki foreldra.

## Dagsetningar sem skipta máli

Miðað við fyrstu drög af próftöflu má gera ráð fyrir að síðasti almennur prófdagur verði eigi síðar en mánudaginn 14. maí og þá sjúkrapróf 16 maí. Einstaka bekkir geta verið búnir fyrir. Miðvikudaginn 21. maí fer fram afhending verslunarprófsskírteina og prófsýning þar á eftir.

Línurnar hafa nú verið lagðar fyrir næsta skólaár og mun skóladagatal næsta árs verða aðgengilegt á heimasíðu skólans innan tíðar.

Helstu dagsetningar sem vert er að hafa í huga eru eftirfarandi:

- Skólinn verður settur miðvikudaginn 20. ágúst.
- Haustfríið verður 17. og 20. október.
- Próf hefjast 28. nóvember.
- Afhending einkunna verður 19. desember.

## Frá foreldraráði

Fræðslufundur og framhaldsaðalfundur Foreldraráðs VÍ verður haldinn þriðjudaginn 4. mars kl. 20 í Rauða sal Verzlunarskóla Íslands

### Dagskrá:

- Framhaldsaðalfundur - lagbreytingar
- Rannsókn á vimefnanotkun framhaldsskólanema á Íslandi 2013. Fulltrúi Rannsókna & greiningar greinir frá niðurstöðum fyrir Versló.
- Nemendafélagið: Fulltrúi þess kynnir verkefni og störf nemendafélagsins.

Allir foreldrar eru hvattir til að mæta, boðið verður upp á kaffiveitingar.

Rauði salur er staðsettur á 1. hæð, (inngangur gegnt Borgarleikhúsi) gengið er framhjá lyftunni og salurinn er á hægri hönd innst á ganginum.